

出使日本參贊官黃遵憲編纂

國統志二

白河天皇立諱貞明後三條長子母藤原能信養女敎通關白尋薨代以賴通子

師實帝政自己出相門斂手而愛憎任意好色信佛竭民力以

事浮屠佛像在位十五年改元四日承保日承禪位後猶專政

四十餘年國勢大敗不可收拾堀河天皇嗣諱善仁白河第二子母藤原師實養

女實源氏師實攝政尋薨其弟師通代之旋以師通子忠實為關白

帝屢於夜分覆視章奏而制於白河上皇不能有為上皇制院

別當設兵曹置北院士奉宣旨施行曰院宣因所愛皇女准中

宮死哀痛遂削髮稱法皇令皇子薙髮為法親王時出羽酋復

亂源賴義子義家用兵三年討平之請賞將士功朝議以為私

日本國志卷二

鬪不許在位二十一年改元七日寬治日嘉保日永長日承德日康和日長治日嘉承鳥羽天

皇嗣諱宗仁堀河長子五歲即位母藤原實季女忠實攝政尋罷以其子忠通為關

白法皇聽政如故僧徒作亂勅源平二家拒卻之在位十七年

改元五日天仁日天永日承久日元永日保安法皇令禪位於長子顯仁年五歲是為

崇德天皇母藤原公實女幼養於白河法皇長私之及鳥羽立為中宮猶不改鳥羽深銜之崇德嗣位

忠通攝政法皇仍聽政尋崩而鳥羽上皇聽政亦二十餘年久

之亦削髮稱法皇崇德在位十五年改元六日天治日大治日天承日長承日保延日永

治為法皇所迫禪位皇太弟鳥羽法皇多內寵後納長實女寵專房稱美福門院生子體仁法皇

欲其速得位諭帝禪讓即日促書詔詔稱皇太弟帝欲俟明日審議遣中使往復數次終不聽及暮傳劍璽帝由是與鳥羽有

隙尊為上皇世稱法皇曰本院上皇曰新院近衛天皇諱體仁鳥羽第

八子母藤原長實女生四月立為儲貳三歲即位忠通攝政法皇仍聽政

院中在位十五年改元五日康治日天養日久安日仁平日久壽受制於法皇鬱疾崩

法皇立崇德弟是為後白河天皇即位之元年鳥羽法皇崩崇  
德上皇冀復位時忠通攝政其弟賴長欲取而代之上皇與賴  
長謀召源為義等遂舉兵後白河使源義朝平清盛等拒之上  
皇兵敗流之於讚岐初近衛崩無子崇德上皇冀復位不則立  
其子重仁而美福門院意上皇咒詛帝不  
肯又因雅仁有子為其所鞠養冀立雅仁而傳之其子雅仁稱  
四宮性輕躁制下朝野愕然及法皇崩左大臣賴長因失寵法  
皇諛事上皇上皇夜召密語之曰法皇舍宜立之重仁而立不  
文不武之四宮今法皇已宴駕何憚之有吾欲舉大事廢豎子  
而再踐位如何賴長與兄忠通不睦欲奪其權力贊成之初內  
大臣實能知其謀密啟法皇曰帝有不諱大亂必興法皇乃預  
署源義朝賴政等十餘人名屬美福緩急召之時上皇謀頗泄  
帝召將士自衛捕兵士入京者上皇遂據白河殿召賴長問道  
召源為義為義辭強之乃率諸子至請奉上皇南狩苟不利即  
奔關東其子為朝請即夜直襲大內火攻取帝奉上皇代居事  
可立定賴長皆不聽保元元年七月十一日帝御東三條殿關  
白忠通以下皆從遣源義朝平清盛等攻白河殿義朝請火攻  
之上皇大敗徒步走傷足及夜從者肩負出京師無敢舍者投  
僧房翌日薙髮入仁和寺帝遣兵守之並守賴長以下十二第  
賴長辭舌死遂流上皇於讚岐清盛因弑叔父忠政義朝弑父  
為義并流弟為朝皆以從上皇故也後崇德在遷所刺血書大

日本國志卷二

乘經請藏京師後白河不許崇德大志曰兄弟爭國自古有之  
吾欲悔罪何故不許乃辭舌出血每軸書曰願為大魔王惱亂  
天下以五部大乘經迴是為保元之亂在位四年改元一禪位  
日向惡道自是成疾崩

皇太子尚聽政三十餘年擁立五帝禍亂相踵二條天皇嗣諱  
仁母藤原

忠通子基實攝政後白河上皇聽政藤原信賴源義

朝舉兵反幽上皇及帝於宮帝逃避平清盛第以其兵討之信

賴義朝皆誅死清盛盡誅義朝子惟賴朝免死流於伊豆平治

之亂殘殺極慘清盛等皆進官爵源平相仇始此信賴恃豪族  
驕橫人呼曰

惡又衛門督有寵於上皇請為大將藤原通憲圖安祿山事迹  
諫阻之遂銜通憲通憲常拒源信朝求婚而為子娶清盛女帝  
舅藤原經宗帝乳母子藤原唯方皆嫉忌通憲信賴因共謀除  
之引義朝為黨闕清盛赴熊野舉事會上皇內宴揣通憲必侍  
宴圍而挾之而通憲先出奔不得遂幽上皇遷帝使經宗惟方  
監視之追殺通憲自稱大臣大將專決諸政公卿皆俯伏陪位  
獨藤原光賴召惟方及經宗責以大義且曰平氏還力必能匡  
復惟方等悔悟清盛還途聞變欲避子重盛決議歸六波羅第  
潛使人謂事經宗惟方赦帝逃出平氏以兵迎入其第上皇亦  
潛入仁和寺信賴方醉卧醒而恨曰惟方負我帝勅平氏討賊

誘賊出大内別遣重盛攻大内賊進退失據乃敗走信源求哀於上皇。上皇為請於帝，不報。平氏兵以勅旨捕誅之，遂囚其黨五十餘人。義朝東奔，為人誘殺。獻其首，其諸子皆為平氏所捕。殺獨第三子賴朝。清盛之母為尼者，憫之，請流伊豆。婢子三人皆幼，以母殊色，清盛納之。因在位八年。改元五日，平治日永曆亦得免。清盛父子皆進官。

禪位而崩。太子順仁嗣。甫二歲，是為六條天皇。母伊岐氏。基實攝政。

後白河聽政如故。立皇叔憲仁為太子。甫六歲。初後白河納平之故立。尋陞清盛從一位太政大臣。平氏始以外戚攝政。在位三年。改元一日。未加冠。禪位稱太上皇。憲仁立，是為高倉天皇。時上皇五歲。帝八歲。後白河薙髮稱法皇。高倉立清盛女為中宮。生子言仁。清盛專恣，貶斥諸藤原氏官爵，而代以己子。又幽法皇。初法皇憤平氏刑賞自專，乃削髮。後有藤原成親者，以怨望圖滅平氏。法皇與共議事，未發其黨，自首於清盛。清盛聚兵六波羅，第遣兵收成親，遂欲取法皇幽之。以其子重盛固諫而止。及重盛卒，未數日，法皇游燕自如。清盛積怒，即遣宗盛率兵幽法皇於鳥羽。後迎於八條。烏丸監察稍疏，尋以仁王諷帝讓位。事又幽之。福原板屋三間，膳日二次。人呼曰牢御所。

日本國志卷二

於太子帝以法皇故憂鬱崩。在位十三年。改元四日。嘉應日承安日。安元日。治承

安德天皇。諱言仁。年三歲。嗣位。關白基通攝政。基實子。清盛決事後

白河子以仁王下令東國討平氏。以仁王敗死。源賴朝源義仲

各奉令起兵。賴朝開府鎌倉。東海東山道多屬賴朝。北陸道悉

屬義仲。清盛尋薨。初以仁王下令東國發源氏源氏所在響應。戒子弟力討賴朝。清盛大驚，遣追討使東擊之，不勝。及是薨，遺三十餘人為衛府國司者六十餘人，其采地半海内。威福過於藤原氏。當時與國之兵半屬源氏。半屬平氏。卒為源氏所滅。

義仲進兵京師。清盛子宗盛挾

帝及法皇奔法皇。逃依義仲。宗盛遂挾帝西泛海奔筑前。法皇

遂勅義仲討平氏。削平氏二百餘人。官爵因下。勅遙廢帝。帝在

位三年。改元二日。養和日。壽永皇弟尊盛立，是為後鳥羽天皇。高倉第五子。母藤原

氏。年五歲。基通攝政如故。時尾形惟義攻平氏。尾形惟義起兵。筑紫以應賴朝。

者宗盛敗走。讚岐法皇勅義仲西伐。義仲遷延法皇欲召賴朝

入衛藉以除之義仲憤舉兵劫帝及法皇罷基通攝政奪公卿四十餘人官爵法皇不得已以義仲為征夷大將軍尋賴朝兵

至義仲敗死初賴朝義仲各起兵賴朝嘗以兵十萬擊義仲義仲避之及義仲兵先入京法皇勅討平氏強而後

行至水島與平氏戰失利法皇召賴朝賴朝合二弟範賴義經

護貢賦入京義仲聞之遠引還遂舉兵圍殿遷帝於開院遷法

皇於攝政第而賴朝所遣二弟已將兵入京義仲拒戰敗死傳首京師帛書其髻曰賊義仲 賴朝遣兵追平

氏一敗於屋島再敗於壇浦平氏挾安德帝投海崩遂滅平氏

賴朝分遣範賴義經擊平氏至壇浦宗盛母抱安德帝投海虜

宗盛等及皇太后平氏歸京師斬宗盛遂滅平氏義經索傳國

劍璽不獲僅獲鏡璽帝初立以無重器稱踐祚不即位後法皇

使人作書喻宗盛索之宗盛不許及是奉還鏡璽於溫明殿

賴朝居鎌倉遣部將北條時政守京師乃奏請諸國置守護莊

園置地頭所在逮捕加賦稅充兵糧別置公文所後改政所賞

功臣頒封邑皆以政所文下行兵馬之權忽歸賴朝遂為征夷

大將軍賴朝已滅平氏朝廷又敕源義經源行家討賴朝賴朝

發兵西上義經行家逃走救諸國逮捕斬行家於和泉

日本國志卷二

四

義經匿於陸奧押領使藤原泰衡家泰衡襲殺義經賴朝又以

泰衡庇亂人起兵擊陸奧出羽悉平之諸國皆懼服法皇召賴

朝入朝優禮之仍還鎌倉是年法皇崩 自是朝廷擁虛器如弁髦藤原氏雖更為

關白攝政而其進退不關天下事大權獨在將軍帝陰圖恢復

而不就蓋自白河以下大勢積重難返矣帝在位十六年收元

元歷日文禪位皇太子後崩於隱岐土御門天皇諱為仁母承

治日建久內大臣通四歲嗣位賴朝薨賴朝薨日我邦先王常自儉以養民

親養女而秀兵於將吏將吏自以其計策蓄糧餉養士卒朝廷

不之省及賴朝興請置守護地頭於諸國以掌兵每段課五升

以調養食而總守護地頭之權操之於鎌倉天下之勢一變而

大權歸之矣然吾觀源賴朝奏蠲所領九國逋租請諸國倣行

又奏兵興以來民不暇農請量力收賦稅以平賀義信為武藏

地頭有惠政請旌之以風司牧以藤原秀衡治陸奧有善規及

平陸奧令凡政皆遵守前規勿變嗚呼當是時天下方貴驍武

務進取而賴朝獨孳孳以養民為務故能歲歲出師一舉殲義

仲再舉殲宗盛三舉夷泰衡四海之內一草一木莫不從風以

建此大業也賴朝又嘗見侍臣衣服麗都命取刀截其胄惟其

儉以自奉故能於多事之日蠲逋租養民力子賴家為將軍為

而不患不足也嗚呼可謂知為政之本者矣

其外祖鎌倉執政北條時政所幽殺立其弟實朝為將軍又謀廢之事覺流時政於伊豆其子義時仍代執政權源氏衰而北條氏握國柄矣帝在位十三年改元五日正治日建仁為上皇所追禪位皇太弟後崩於阿波順德天皇立諱守成後鳥羽第藤原源賴家子千壽起兵討北條氏不克死幼子公曉復謀殺實朝義時乃立藤原賴經為鎌倉主而自執政權賴經賴朝妹夫之外孫也順德在位十一年改元三日建歷日建保日承久禪位皇太子後崩於佐渡九條廢帝諱懷成母東一條院藤原氏四歲即位時有三上皇後鳥羽曰本院專決政事土御門曰中院順德曰新院本院素憤王權下移有圖鎌倉之志至是密詔討關東義時乃遣子弟率東兵入京師廢帝立高倉帝孫茂仁流本院於隱岐中院於土佐尋徙阿波新院於佐渡是為承久之變本院素憤源氏撓朝權陰圖恢復置院西

日本國志卷二

面士親武事至手造刀劍及實朝遭害謂威柄可復而關東權勢自如意益不平嘗擢一西面士義時稱將令奪其在東食邑朝旨令還之不奉敕會三浦允義宿衛京師以事憾義時本院令親信就與謀允義曰臣兄義村力足辦此本院大喜承久五年五月託城南流鏑馬集近畿兵密發使齋詔諭義村及關東諸豪義村以告義時義時大會諸將請政子隔簾問曰汝等聽院宣赴京師佐滅關東乎抑一心戮力以全故右大將軍之業以保食邑乎即時決對僉同聲答曰死生唯命誰肯東向關弓者諸將請據險保八州大江廣元日事久眾心變不如直西向犯關義時遂遣子泰時朝時弟時房分道西犯官軍敗績泰時入京有敕曰此舉皆謀臣所誤遂收權少納言藤原光親等六人送鎌倉斬之初發師令父行子留子行父留義時表日間陛下好戲臣謹遣長男泰時等率十九萬人繼至云九條在位僅七十餘日自白河帝即位至此凡十四世百五十年始藉源平以除亂卒至大阿倒持互相剪滅然源氏有勘亂之功其因時變法民亦賴以蘇息北條氏起乃以陪臣執國命矣舉兵犯開放廢四帝視君位如奕棋雖有一二有為之主終不得伸其志蓋自外戚專政將帥因之其所由來漸矣

後堀河天皇諱茂仁守貞親王之第三子母藤原氏年十歲即位北條泰時與叔父時房分鎮六波羅南北府京師始有兩六波羅以制全國泰

時頒式目五十條頗愜民情時賴經仍為將軍義時死子泰時

執權帝在位十二年改元六日貞應日元仁日嘉禪位皇太子

四條天皇諱秀仁母藻壁門院藤原氏二歲嗣位嬉戲無度在位十一年崩

改元六日天福日文歷日嘉禪日歷仁日延應日仁治後嵯峨天皇諱邦仁土御門泰時

所議立泰時死孫經時執權廢將軍賴經以其子賴嗣襲職年

甫六歲帝在位五年改元一禪位皇太子仍聽政二十餘年二

皇子相繼踐祚及崩因愛龜山帝遺令其子孫永承大統而付

後深草之裔以封邑北條貞時則議後深草龜山二統迭承限

十年禪受厥後南北分爭實基於此至足利氏猶沿其例初賴

藤原氏近衛九條二家更為攝政後九條分為一條二條近衛亦分為鷹司至是北條氏奏請五家更替攝政名為尊上實分

朝權也後深草天皇諱久仁母大四歲嗣位北條經時死弟時賴

執權又廢大將軍賴嗣立後嵯峨皇子宗尊主鎌倉為大將軍

日本國志卷二

帝在位十四年改元五日寶治日建長日康元日正嘉日正元上皇迫令禪位於同母

弟恆仁是為龜山天皇時賴死子時宗執權又廢大將軍而以

其子惟康襲職年甫三歲時元世祖三遣使來皆卻之帝在位

十五年改元三日文應日宏長日文永禪位皇太子世仁是為後宇多天皇母

極院藤原氏八歲即位元兵攻對馬壹岐諸島而還復兩次遣使時

宗皆斬之尋敗元兵時宗死子貞時執權攻殺外祖父安達泰

盛北條氏始衰帝在位十四年改元二日建治日宏安禪位後深草第二

子熙仁是為伏見天皇母元輝門院藤原氏貞時廢將軍惟康貞時聞惟

條氏之志遠廢之倒載綱代與送還世目之日將軍流於京師立後深草第三子久明親王主

鎌倉為將軍帝在位十一年改元二日正應日永仁禪位皇太子允仁是

為後伏見天皇母准三宮藤原氏初龜山禪位後置後院別當聽政每事不許後深草與聞後深草憤懣訴哀

於時宗時宗乃奏立伏見會有盜入禁內挾箭劍求帝所在世以為龜山所使龜山懼賜誓書於貞時事始寢伏見又密使人

言於貞時日龜山每切齒承久之事立其後非卿家利貞時乃立後伏見後宇多示以後嵯峨之約貞時乃定兩統更立之議年十一卽位在位四年改元一禪位後宇多長子邦治年長於

上皇三歲時後深草稱本院龜山稱中院後宇多稱新院并伏見後伏見同時有五上皇後三條天皇立譚邦治母西新院聽

政貞時又廢大將軍以其子守邦襲職帝在位七年崩改元三日嘉元伏見子富仁立是為花園天皇母顯親門貞時死子高

時執權年幼其舅秋田時顯與內管領長崎圓喜受遺令輔之權遂移於外戚與家宰北條氏益衰及後醍醐時舉族遂伏誅

帝在位十二年改元四日延慶日應禪位於後醍醐天皇自後

至此凡十世九十七年兵馬之權皆在鎌倉自北條時政至高時凡九世一百五十四年君之廢立宰輔將軍之進退皆唯命是聽而遲之久而後滅亡者立主以嗣源氏遷官猶稱原銜子孫相承終身不過相摸武藏守又務為勤儉以養民蓋顯以虛名讓之人隱以實利歸之己故雖廢立進退之由我天下不起而議之其取禍不速操之蓋有術也至高時荒縱則一敗塗地矣

日本國志卷二

後醍醐天皇立譚尊治後宇多子母尊花園為上皇稱新院後

宇多稱法皇帝親政復置記錄所親聽訟獄視北條氏失人心謀誅滅之帝與藤原資朝藤原俊基謀陰援武人可用者每會議脫衣冠縱酒結其歡心名曰無禮講事覺比衙鎮

將收資朝俊基高時遂舉兵入京帝避走於笠置高時立光嚴帝名量

帝所立太子遣兵陷笠置迫傳神器不許帝日神器非臣下所後伏見子也能與奪且鏡璽已失

獨有劍必欲相迫朕將自裁賊欲遷帝復走隱岐楠正成起兵之六波羅第帝使備行幸儀而後往

勤王皇子護良親王起兵於吉野新田義貞起兵於上野爭應帝帝還伯耆名和長年兒島高德復舉兵從之尋高時將足利高氏歸順諸軍收復京師迎帝還闕鎮將北條仲時奉新主及新主上皇還論諸公卿受新主官爵之罪貶削有差新田義貞遂攻破鎌倉滅北條氏論功行賞賜高氏以御名尊字遂為足利尊氏護良親王知尊氏

惡表請誅之不許帝置決斷所賞軍功遷延不決而帝左右僧  
尼伎樂多以內勅得賞又造楮幣事興作舉國囂然復思武人  
之治旋聽尊氏讒殺護良親王初拜護良為將軍後囚之於鎌倉令足利直義監守直義遂殺  
之尊氏益兇行無忌自移兵開府鎌倉誣奏新田義貞義貞奏  
辨且暴尊氏八大罪有詔奪官爵尊氏遂舉兵反北條高時子時行招餘黨  
攻鎌倉尊氏擊時行走之詔促班師不聽自稱征夷大將軍關東管領移書西道諸國發兵以討新田氏為名楠正成  
等戰死尊氏入京帝逃叡山尊氏立豐仁親王為帝建號改元  
是為北朝光明帝足利氏擁立光明帝初陽尊之及南軍屢敗大得其志不復稟敬肆割膏腴以賞功臣或至奪公卿食邑雖供御闕乏不問有將吏途遇光嚴上皇不下馬前驅呼之曰院也曰院耶犬耶犬則我射之令環射乘輿折輒截輻而去足利氏論其罪武人相謂曰院且下之苟遇將軍不將膝行乎帝之立也民間又相語曰王並無一戰功將軍何賜之天尊氏佯請降誘還後醍醐帝幽之幽帝於花山院尊氏子也尊氏尋潛逃於吉野諸軍勤王者皆敗義貞戰死兩皇子亦見偽器授之

日本國志卷二

弒後醍醐僅保吉野對北朝而稱南朝後人以神器在南尊為

正統後醍醐在位二十一年改元八曰元應曰元亨曰正中曰嘉歷曰元德曰元宏曰建武曰延

元崩於吉野第八子義良立是為後村上天皇母新待賢門院藤原氏即

位之興國元年庚辰北朝光明帝歷應三年也越九年光明帝

禪位於從子興仁為崇光帝又三年尊氏因內亂令子義詮佯

降於南朝將紆南兵而專事東海南朝許之義詮遂廢崇光帝

奉南朝年號後村上帝密令諸路兵討尊氏收復京師收廢帝

廢太子及光嚴光明二上皇送吉野幽之義詮復敗南兵取京

師立彌仁親王是為後光嚴帝眾議無神器不可踐祚關白藤原良基曰尊氏劍也良基壘也

何不可南朝還所幽諸帝南北兩軍厥後互有勝敗所爭皆在

京師臣子亦各叛服不常尊氏死義詮為將軍義詮死子義滿

為將軍後村上帝迭與北軍戰有宗良親王源親房楠正行新



田義興等輔之屢環甲御馬控御勅敵在位三十年改元二日興國日正

平崩子寬成立是為長慶天皇母氏不詳即位之年戊申北朝後光

嚴帝應安元年也越四年後光嚴禪位於太子緒仁為後圓融

帝斯時北軍益強長慶在位五年改元二日建德日文中禪位於弟熙成

是為後龜山天皇母嘉吉門院某氏越十年北朝帝禪位於太子幹仁

為後小松帝於時南朝地盡失獨吉野屬行宮新田氏子孫先

敗滅尋楠氏菊池氏亦亡全族遂議和從義滿請授神器於後

小松帝義滿來請和日駕還授器則兩統更立如故事許之元中元年十月車駕發行宮羣臣以戎服從至京義滿欲

用來降禮帝日朕欲用父子禮相授否則以神器斃安肯屈臣下以辱祖宗乎或謂義滿日神器在彼彼即真主不可違也

稱後龜山為太上皇後龜山在位二十年改元三日天授南朝日宏和日元中

為龜山統凡四世北朝為後深草統凡六世至是成和義滿仍

請兩統更立自後醍醐即位之元年至壬申一統凡七十四年自北朝光嚴帝即位之元年至壬申一統凡六十

日本國志卷二

一年兩統之議定於北條貞時遂授後世姦人取富貴之柄然南朝土地甲兵不及北朝什之一卒能相持數十年者賴楠氏

新田氏數家孫子相繼以忠義號召人心故能屢撲屢起定於一尊非獨神器有在為然也

後小松天皇諱幹仁後伏見元孫帝於北朝者凡十年受神器

於後龜山帝嗣位征夷大將軍足利義滿自為太政大臣朝議以平

格國以還武家無昇此官者義滿怒日天子我家所立而不我聽則廢而自立以細川畠山二臣為攝家誰能禁我者遂許之

尋辭任請以其子義持襲職削髮稱道義宮室輿服皆奢僭義滿

營別業於北山起金閣徙居之稱北山殿又造一殿於禁內稱小御所每進朝公卿皆下階拜跪嘗遊叡山擬上皇行幸儀

遣使稱臣於明受太宗皇帝封為日本王及薨詔贈太上皇號

帝在位十九年在北朝時改元四南北禪位於太子實仁是為

稱光天皇母光範門院藤原氏始背更立之約南朝遣臣請如約立後龜山帝之子不聽於是南朝

餘孽所在起兵尋皆平鎌倉管領足利持氏為其執事上杉氏憲所逐義

持援持氏攻上杉義持辭職詔以其子義量襲自削髮稱道詮

既義量卒義持再視事尋薨義敏襲職帝在位十六年崩

初襲用應

永年號改元

後花園天皇

諱彥仁後伏見五世孫北朝崇光曾孫父貞成親王母敷政門院源氏

年十歲即位義敏遣使貢於明明宣宗皇帝賜之永樂錢三十

萬緡自後稱臣奉正朔世以為常足利持氏結城氏朝皆以攻

鎌倉執事上杉氏作亂伏誅赤松滿祐弒將軍義敏亦伏誅子

義勝襲職薨弟義政為將軍南朝舊臣常擁龜山裔為亂至入

禁內奪神器

帝之立也後龜山皇子以不得立怒奔伊勢或奉義照與之善時關東兵亂勸其乘時舉事事覺殺義照至是藤原有光等奉為主稱中興宮夜入禁內奪神器追者獲鏡劍遂

擁璽據叡山尋討平之皇子自殺南人又立其子居吉

野山中有赤松氏臣某伴往事之乘間刺殺奪璽還獻帝在位

三十六年

改元八日永享日嘉吉日大安日寶德日享德日康正日長祿日寬正

禪位皇太子後

土御門天皇嗣

諱成仁母嘉樂門院藤原氏

足利氏之臣細川勝元與山名

宗全舉兵戰於京師是為應仁之亂

足利氏開府京師於家臣設管領迭任細川氏斯波

日本國志卷二

十

氏畠山氏名三管領而細川最强又設四職迭任山名氏一色

氏佐佐木氏赤松氏而山名氏獨盛至是以畠山氏兄弟爭位

各護其黨將軍義政已立其弟義視為後既而生子義熙其母

欲立之託於山名宗全而細川氏輔義視因是舉兵細川徵諸

國兵十六萬山名徵諸國兵十一萬絡繹入京京人皆負擔奔

竄及戰迭有勝負焚蕩公私屋舍三萬餘區及山名細川相繼

死乃罷爭義視遂逃而細川氏義政罷子義熙繼為將軍義政

所庇之畠山政長再為管領

窮極奢侈徵斂無度上下困弊

義政喜奢靡一花亭費六十萬緡一暖閣帳子費三萬錢故賦斂日增故事借富商金以供用義滿時歲四次義敏歲十二

次至義政乃月八九次又下借貸不償之令名曰德政故事有大儀課諸侯助役槩五六年一舉義政乃五年九舉是以公私

交困義政猶日恣淫樂政事委之傳宣之臣及妾媵僧尼之輩請謁公行號令概忤其管領細川山名樹黨相攻義政為其所劫持及讓職之明年仍上書朝鮮乞勘合印信以求書畫珍寶

尋築銀閣於東山日設茗讌樂至於死是時亂黨交攻輦轂兵

焚蕩為廣野七道之內俱為戰場為日本古今極亂之世諸史謂義政之於時文運衰喪惟義熙尚好學父子相繼薨義植

無子義政召還義親 義澄相踵為將軍畠山政長奉義植攻畠

山長豐不克出奔細川政元立義澄帝在位三十六年崩

改元六日

文正日應仁日文明日  
長享日延德日明應  
後栢原天皇立諱勝仁後土御門時全

國大亂大内義興助義植大舉入京細川高國高國政元養子

幸所弒臣三好長輝討誅之而立養子澄元為管領故高國怒

既而高國得管領三好氏又擁澄元等相爭禍亂相尋以迄於

七舉兵應之義澄奔高國尋又舉兵逐義植亦出奔先後死乃

迎義澄子義晴為將軍帝在位二十六年崩改元三曰文龜後

奈良天皇嗣諱知仁母豐樂義晴見迫於細川之臣三好氏奔

走不常讓職於子義輝亦屢出奔斯時北條氏綱氏康等興是

為後北條氏武田信元上杉謙信毛利元就三氏亦雄據一方

而以家臣弒逐其主割據其地者如齋藤秀龍之於土岐定朝

陶晴賢之於大内義隆津久見美作之於大友義鑑三好之康

之於細川持隆各爭疆土遍地干戈而是時葡萄牙人亦傳天

主教入於國矣帝在位三十一年崩改元三曰享祿子方仁嗣

日本國志卷二

是為正親町天皇母吉德門院藤原氏時三好氏與其家臣松永氏專京

畿大權三好義繼因弒義輝其弟義昭赴美濃走依織田信長

信長挾義昭西上以義昭為將軍義昭又與信長失睦於是信

長幽義昭遂代足利氏而興矣足利氏遂亡自尊氏至義昭凡

朝以武人充守護地頭漸成割據之勢北條氏因之至尊氏興

當時武人厭王政而習武政懼失權勢皆欲得一人推戴之以

專其利尊氏亦知之是以割土地頒金帛既授以兵權又崇以

官銜務充其欲以求遂已私尊氏之得國也以此而己成尾大

不掉之勢矣足利氏以將軍駐京師而分遣子弟鎮鎌倉鎌倉

設管領上杉氏世為執事屢逐其主又與兄弟爭權最後北條

氏起與上杉氏抗上杉氏之強已與山名氏又復出而顯政京師

幕府亦設管領細川氏為最強已與山名氏爭戰又屢逐其君

與兄弟相爭而其家臣三好氏三好氏之家臣松永氏復迭出

而執權所轄諸國樹黨相爭其餘羣雄割據土地各憑強互

相吞噬舉六十州之地曾無一塊乾淨土禍亂之極蔓延淫

竟數十年而未已當足利氏盛時權勢足以相制及其既衰驕

奢淫逸既以大權授之家臣又欲借家臣之力以遂其奪嫡立

愛之私各徒隸乘勢竊權無復忌憚乃至五代將軍廢置放逐

疲於奔命如奕棋然如傀儡然比之王室猶有甚者蓋足利氏

以土地兵馬餌豪傑而無術以相鈐制并其餌而失之亦可哀

矣若夫同室鬩關日尋干戈陪臣與臺反據人上至於倫理滅絕臣弑其君者有之子弑其父者有之舉國滔滔不以為怪斯又尊氏於君臣父子兄弟間惟利是視故信長任用豐臣秀吉上行下放禍變至此也嗚呼可謂亂極矣

**代徙治安土定關東法制十五條頗有規模惜寵任明智光秀**  
卒為所殺足利氏管領斯波氏封於尾張織田氏世為斯波氏氏於駿河威名大著帝聞之密遣使齋詔賜以御用香令西上平內亂後又詔賜一戰袍曰朕願四方莫如卿武聞卿已平美濃其益奮庸宜武以副朕望信長奉詔泣曰臣督師諸闕之日當服此拜賜也及是義昭又走依之信長以兵三萬人挾之西上三好氏棄京師去信長留木下秀吉護衛京師修治皇宮而東歸義昭多失行信長上書切諫義昭遂謀伐信長信長迭攻之義昭走安藝詔削其官爵信長又破朝倉氏淺井氏降六角氏旋滅三好氏近畿悉平分遣秀吉擊毛利氏毛利亦求和又親將兵十二萬伐武田氏獲武田勝賴及其子割甲斐信濃駿河上野與有功諸將史稱其以不世出之畧定二百餘年分據之國事敗垂成

**秀吉誅光秀築大坂城自奏請為關白置五奉行以議國事帝在位二十九年**  
改元三日永祿禪位皇太孫後深為可惜云

日本國志卷二

**陽成天皇嗣**  
諱周仁父誠仁親王母新上東門院藤原氏  
**秀吉為太政大臣奏請以**

**其養子秀次為關白稱大閤既平海內約列侯奉戴王室惟變**

**更田制重稅殃民又用兵朝鮮師出無名內外疲困卒薨於軍**

秀吉家微為人奴盜其主黃金六兩買刀劍衣服偽姓名曰木下藤吉謁信長於道乞為奴信長熟視之曰汝面類猴汝心亦必如猴矣常命之拏鞋呼曰猴奴試以事多機智遂寵任之使將兵信長已平京畿奏為筑前守改氏羽柴奉命西攻毛利氏與之近江三十萬石而命諸將分領織田氏地信長之弟信孝與舊臣柴田勝家瀧川一盛謀誅秀吉秀吉次弟削平之旋以舟師六萬伐長宗我部元親於土佐元親降南海平時薩摩島津義久勢甚張秀吉令毛利輝元長宗我部元親集兵招諭之不從遂以兵十五萬大舉西伐入其國降義久西海亦平又將兵十萬北伐降佐成政於富士入越後與上杉氏連盟而還復遣使相模諭北條氏政入覲使陸奧招伊達政宗來降皆不答即以兵二十五萬大舉東伐分遣諸將徇關東六十餘城伊達氏來降氏政父子亦出降殺氏政收陸奧出羽地關東又平秀吉用兵如神所向披靡於時羣雄咸俯首聽命獨德川氏嘗與戰大敗於長湫隱忍與和既拜關白賜姓豐臣氏城大坂徙居之而築第吉野名曰聚樂帝與上皇幸其第留飲五日又賞花於醍醐張茗讌於北野大會諸將游宴之盛今古所無親督兵

征朝鮮薨於伏見城合德川家康等五大老輔嗣子秀賴家康任征夷大將軍開府江戶大對諸侯行賞立制課諸侯城江戶城駿府命

諸侯妻子盡住江戶間一歲乃交代就國禁西諸侯造戰艦開

長崎港通商尋辭職詔以其子秀忠為將軍帝在位二十六年

改元二日交禪位皇太子自後小松至此凡八世二百一十九年足利氏上不知有王室下不能馭

羣雄蹂躪二百餘年及織田氏稍定大亂豐臣氏起於人奴以

兵力定海內德川氏繼興用力少而坐享其成至是舉國始知

有尊王之義息戰爭者二百餘年

後水尾天皇嗣諱政仁母中和家康定文臣法五章廷式十七

章武員式十二章大脩朝廷舊典始置老中定幕府及列國郡

邑制度滅豐臣氏尋薨家康起於參河既敗秀吉與之和日吾

敬媚事秀吉嘗於朝會時親為秀吉整履秀吉之卒也握其手

託以遺孤遺命以家康及前田利家毛利輝元浮田秀家上杉

景勝為五大老使決大事設五奉行如故使決小事又設三中

老左右之家康居伏見城代秀吉視事利家先卒既而奉行石

日本國志卷二

田三成等以家康將不利孺子密與上杉景勝通謀家康促景

勝入覲不聽曰我受大閣遺旨鎮東奧何受家康令為且數家

康背盟十大罪家康怒自將伐景勝三成至大坂又移檄諸國

日諸君苟不忘大閣恩當合力討家康毛利輝元以下侯伯來

會者四十餘人兵凡九萬餘家康方攻景勝聞變引軍還遂與

三成戰於關原大破之捕斬三成削毛利輝元八國僅食長門

周防二國流浮田秀家於八丈島景勝聞西諸侯兵敗亦乞降

家康以關東八國自封居江戶城舉所收地分封諸將惟秀賴

僅食七十六萬石而已既而家康嫁女孫於秀賴家康居駿府

秀賴居大坂秀賴既長羣臣欲挾以復故業竊散金帛募死士

然有國將士無一至者秀賴時營方廣寺落成公卿大會家康

遠以鐘銘語涉咒詛怒停行慶秀賴遣使哀懇又請毀大坂城

乞盟家康佯許之尋舉兵攻大坂使人告秀賴母子曰仍宥汝

管取一喫飯處城破秀賴母子將出見使人請二竹輿不與時

又起秀賴母子遂不知所終有庶子生七歲後捕斬之六條磧

豐臣氏 久之秀忠辭職子家光為將軍先是南洋各島國咸來

通商至是以禁耶穌教故遂禁呂宋交趾占城互市英吉利西

班牙請互市皆辭卻終德川氏之世惟許中國及和蘭通商而

已帝在位十八年改元二日元禪位於皇女興子內親王秀忠

女也是為明正天皇家光始置大老小老職大目附社寺奉行  
等官營日光廟頒武家制度十九章平耶穌教徒亂於天草帝  
在位十四年仍用寬永年號禪位皇太弟紹仁是為後光明天皇後水尾第四子母壬生院藤原氏年十一即位敕賜宮號於日光廟每歲納幣以宗  
澄親王為東叡山座主後皆為例帝性好學令儒臣講程朱新  
注及崩詔廢火葬家光薨子家綱襲職帝在位十一年崩改元正保日慶  
弟良仁立是為後西院天皇後水尾第六子母安日承應八年改元三日明歷以災異頻仍為失德所致遂避位於凝花  
洞弟識仁立是為靈元天皇後水尾第十六子母新廣儀門院藤原氏年十歲即位  
時宋學大興有著論攻駁者禁錮之立朝仁親王為皇太子自  
後龜山傳小松之後不立東宮者十三世矣始用元授時歷名  
貞享歷自用宣明歷以來及今亦殆千年家綱薨子綱吉襲職

日本國志卷二

古

帝在位二十四年

改元三日延寶

禪位皇太子朝仁是為東山

天皇

母敬法門院藤原氏

年十三歲即位綱吉營孔子廟用儒臣源光國

編大日本史立將軍傳家臣傳隱示尊王統斥武門之意綱吉

薨子家宣襲職帝在位二十三年

改元二日元祿

以災變自恨菲

德遂禪位皇太子尋崩中御門天皇嗣

諱慶仁母新崇賢門院藤原氏

年十歲

朝鮮聘使至家宣從儒臣議答書稱德川氏曰日本國王家宣

薨子家繼襲職年四歲尋薨子吉宗襲職帝在位二十六年

改元

二日正德

禪位皇太子昭仁是為櫻町天皇

母新中利門院藤原氏

時文

學甚盛菽生茂卿伊藤維楨各習古學新井君美青木敦書首

唱荷蘭學吉宗辭職子家重為將軍帝在位十一年

改元三日元文日寬

延享禪位皇太子遐仁是為桃園天皇

母開明門院藤原氏

年七歲即位

前將軍吉宗薨吉宗作律九十章頒行性好學務勤儉慎庶獄

舉賢良稱中興良主丹波人竹內式部以武技出入公卿家不喜幕政漸露復古之志家重逐之公卿坐是奪官爵者十七人

家重薨子家治為將軍帝在位十六年崩改元二日寬延日寶歷後櫻町

天皇嗣諱智子櫻町第二女母皇太后青綺門院藤原氏處士山縣昌貞藤井右門著

論斥幕府處臯刑立皇姪英仁親王為皇太子遂讓位帝在位

八年改元一曰明和後桃園天皇立諱英仁桃園第一子母恭禮門院藤原氏在位八年崩

改元一曰安永無子光格天皇諱兼仁東山帝曾孫典仁親王第六子母盛化門院藤原氏年九歲

即位家治薨子家齊繼職俄羅斯乞互市不許尋侵掠樺太諸

島凡八年始息松前箱館皆置奉行以備之英吉利亦擾長崎

長崎奉行愧恨自殺帝在位三十七年改元四曰天明曰寬政曰享和曰文化禪

位皇太子仁孝天皇嗣諱惠仁母贈准后東京極院藤原氏以家齊為太政大臣

尋辭職子家慶繼職西洋船擾寶島家齊令沿海民曰蕃船至

日本國志卷二

則發礮有貿易者嚴絕之尋錮處士渡邊華山等亦以譯述西

書被罪也上皇崩始復謚法自宇多帝至此停謚六十世帝令復之頒天保歷在

位二十九年崩改元三曰文政曰天保曰宏化先是處士高山正之蒲生秀實

本居宣長等或著書游說或倡言國學皆潛有尊王意及是蒲

生作山陵志賴襄作日本政記日本外史舉國益知尊王之義

自後水尾至此凡十三世二百三十四年德川氏威力日盛列侯懼服人文蔚起而帝室垂拱仰成而已